

## Efnisyfirlit

Tillögur til 28. aðalfundar .....	2
Alsherjarnefnd .....	2
Stærðarmörk krókaaflamarksbáta óbreytt .....	2
Stærðarmörk krókaaflamarksbáta stækkun .....	3
Stærðarmörk krókaaflamarksbáta frestun afstöðu .....	3
Makrílveiðar .....	4
Makrílnefnd .....	6
VS afli .....	6
Sjómannaaflsláttur .....	7
Veiðigjöldum hafnað .....	8
Veiðigjöld lögmæti .....	8
Veiðigjöld breytingar .....	9
Veiðigjöld markaðsstarf .....	9
Evrópusambandið .....	10
Reglugerðir .....	10
Reglugerðalokanir .....	11
Veðurathugunarstöð .....	11
Dragnót .....	11
Umhverfissamtök .....	11
Hvalveiðar .....	11
Fjarskipti .....	12
Stjórn Hafransóknarstofnunar .....	12

Tillögur til 28. aðalfundar  
Landssambands smábátæigenda

## Allsherjarnefnd

### Stærðarmörk krókaflamarksbáta óbreytt

1. Svar Félags smábátæigenda á Austurlandi við erindi stærðarmarkanefndar LS hvað varðar stækkun krókaflamarksbáta:  
„Aðalfundurinn samþykkir samhljóða að ekki verði kvikað frá núverandi reglum um stærðarmörk krókaflamarksbáta”.
2. Farsæll vill óbreytt stærðarmörk smábáta þ.e. 15 brt.
3. Báran samþykkir að stækkun krókabáta verði óbreytt.
4. Strandveiðifélagið Krókur mótmælir harðlega öllum tillögum um að stækka hámarksstærð krókaflamarksbáta. Allar slíkar tillögur eru stórhættulegar núverandi kerfi og munu hafa ófyrirsjáanlegar afleiðingar í för með sér.
5. Elding samþykkir að stærðarmörk krókaflamarksbáta verði óbreytt.

6. **Strandir**. Fundurinn samþykkir að ekki sé kvikað frá núverandi reglum um stærðarmörk krókaflamarksbáta.
7. **Skalli** samþykkir að stærðarmörk krókaflamarksbáta verði óbreytt – að hámarki 15 brúttótonn.
8. **Klettur** hafnar alfarið frekari stækkun krókabáta.
9. **Fontur** samþykkir að ekki sé kvikað frá núverandi reglum um stærðarmörk krókaflamarksbáta.

### Stærðarmörk krókaflamarksbáta stækkun

10. **Hrollaugur** leggur til að hámarkslengd krókabáta verði 14,99 m og stærð þeirra undir 30 brt.  
**Greinargerð.**
  - a. Bátarnir verði rúmbetri fyrir mannskapinn.
  - b. Bátarnir verði öruggari á öllum sviðum.
  - c. Réttindamál smábátasjómana eru miðuð við 30 brt.
  - d. Stækkun mun auðvelda krókabátum að uppfylla væntanlega reglugerð frá Mast, þar sem heimilt verður að dæma afla ónýtan sé hitastig hans hærra en 4°C.

### Stærðarmörk krókaflamarksbáta frestun afstöðu

11. **Snæfell** samþykkir að fresta því að taka afstöðu til stækkunarmála þar til niðurstaða er komin í Bíldseyjarmáli.

## Makrílveiðar

12. Austurland. Veiðiheimildir til færaveiða á makríl verði að lágmarki 10 þúsund tonn.

13. Hrollaugur ályktar að LS hafi það sem forgangsatriði að fá viðurkennt að makrílþottur sem er ætlaður til línu og handfæra verði stækkaður í 20.000 tonn.

### Greinargerð.

Makrílveiðar á handfæri hafa verið stundaðar á tilraunastigi í nokkur ár.

Á sl. sumri stunduðu 17 bátar veiðar með góðum árangri. Ljóst er að mjög hagkvæmt er að veiða makríl á handfæri miðað við önnur veiðarfæri.

Gríðarlegur áhugi er fyrir þessum veiðum og margir hafa hug á þeim næsta sumar samtímis sem kaupendum af krókaveiddum makríl fer fjölgandi.

Ef fer sem horfir er ljóst að 845 tonna þottur, sem var í sumar, dugar engan veginn fyrir þann flota sem hyggst stunda veiðar næsta sumar.

Margvísleg rök eru fyrir makrílveiðum á handfæri, svo sem:

- i. umhverfisvænar veiðar,
- ii. hágæðahráefni,
- iii. atvinnuskapandi,
- iv. afla mikillar þekkingar um göngur makríls á grunnslóð umhverfis Ísland.

14. Farsæll ályktar að makrílþottur fyrir smábáta þ.e. báta undir 15 brt. verði aukinn í 18% af heildarafla í makríl, þ.e. að lágmarki 20.000 tonn í svipaðri fyrirmynd og þekkist erlendis, t.d. í Noregi.

### Greinargerð.

- a. Makrílveiðar á handfæri hafa verið stundaðar í nokkur ár. Þeir bátar sem stunduðu þessar veiðar á sl. fiskveiðiári gerðu það með mjög

góðum árangri. Ljóst er að mjög hagkvæmt er að veiða makríl á handfæri miðað við önnur veiðarfæri. Mikill áhugi er fyrir þessum veiðum og mjög margir hafa hug á þeim á næsta ári. Samtímis því sem kaupendum sem hafa áhuga vegna gæða hans fer ört fjölgandi, mun úthlutun eins og hún hefur verið, engan veginn fullnægja þeirri þörf sem er fyrir þennan bátaflokk.

b. Helstu rök fyrir auknum veiðiheimildum til smábáta í makríl eru:

- Veiðarnar eru umhverfisvænar
- Þær skila hágæða hráefni
- Þær eru mannaflsfrekar - atvinnuskapandi
- Þær afla mikillar þekkingar um göngur makríls á grunnslóð
- Makrill étur mikið af seiðum svo sem grásleppu-, þorsk- og ýsuseiðum, sandsíli, rauðátu, ljósátu og smásíld. Og ekki má gleyma laxaseiðum.

15. **Árborg** samþykkir að beina því til aðalfundar LS að makrípotturinn sem ætlaður er til handfæraveiða verði hækkaður í 3.000 tonn eins og hann var í upphafi. Tekið verði tillit til þess að eigendum handfærabáta hefur ekki gefist nægur tími til að útbúa bátana og þróa veiðarnar. Til þess þarf nokkurra ára svigrúm. Til lengri tíma litið er ekki óeðlilegt að færabátum sé úthlutað 20.000 tonnum á ári.
16. **Reykjanes.** Makrípottur fyrir handfæri verði að lágmarki 18%, sem er svipað og gerist í Noregi.
17. **Sæljón** krefst stóraukins kvóta í makríl.
18. **Snæfell** krefst þess að krókaveiðar á makríl verði opnar öllum krókabátum og þeim heimilt að veiða a.m.k. 10.000 tonn.
19. **Strandveiðifélagið Krókur** leggur til að makrípotturinn verði stækkaður í a.m.k. 10.000 tonn.

20. **Elding** leggur til að makrípottur handa handfærabátum verði stórauðinn.
21. **Strandir**. Fundurinn krefst þess að veiðiheimildir til krókaveiða á makríl verði auknar í a.m.k. 10 þúsund tonn á næsta ári.
22. **Skalli** hvetur ráðherra til að úthluta allt að 20 þúsund tonn til makrílveiða á króka.
23. **Klettur** telur brýnt að auka möguleika smábáta í veiðum á makríl með auknum veiðiheimildum til krókaveiða í allt að 20.000 tonn.
24. **Fontur** lýsir yfir ánægju með góðan árangur smábáta við makrílveiðar og leggur til að hlutur krókaveidds makrils verði að lágmarki 10 þúsund tonn.

## Makrílnefnd

25. **Báran** beinir því til aðalfundar LS að sett verði á fót nefnd sem fjallar um málefni makrílveiðimanna. Nefndin starfi milli aðalfunda og verði skipuð fimm mönnum sem kosnir eru á aðalfundi. Framkvæmdastjóri LS starfi með nefndinni og sjái um boðun funda.

## VS afli

26. **Farsæll** ályktar að VS - afli verði færður til fyrra horfs þ.e. í eitt tímabil á fiskveiðiárinu.
27. **Reykjanes**. Vs - afli verði færður til fyrra horfs þ.e.a.s eitt tímabil en ekki 4 eins og er núna.

28. **Elding** leggur til að VS afla verði hægt að skipta í þrennt – 40% fari í AVS, 20% fari til útgerðar og áhöfn geti ánafnað líknarsamtökum, góðgerðarsamtökum eða styrktarsjóðum 40%.
29. **Klettur** skorar á atvinnuvega- og nýsköpunarráðherra að færa reglur um VS afla til fyrra horfs.

## Sjómannaafsláttur

30. **Árborg** ályktar að áhersla verði lögð á að leita allra leiða til að koma í veg fyrir afnám sjómannaafsláttarins.
31. **Báran** vill að áhersla verði lögð á að leita allra leiða til að koma í veg fyrir afnám sjómannaafsláttarins.
32. **Sæljón** mótmælir afnámi sjómannaafsláttarins og krefst þess að kjaraskerðingin verði bætt.
33. **Strandveiðifélagið Krókur** mótmælir harðlega þeirri fyrirætlun stjórnvalda að fella niður sjómannaafslátt.
34. **Klettur** skorar á atvinnuvega- og nýsköpunarráðherra að bæta sjómönnum nú þegar upp þá tekjuskerðinu sem þeir hafa orðið fyrir með lækkun sjómannaafsláttar.  
Fyrirhugað afnám sjómannaafsláttar mun auka þessa tekjuskerðingu enn frekar og skorar fundurinn á ráðherra að kanna aðrar leiðir í þessu sambandi, t.d. með dagpeningagreiðslum, hærri persónuafslætti eða öðrum sambærilegum skattaívilnunum.
35. **Fontur** mótmælir afnámi sjómannaafsláttar og leggur til að hann verði færður til samræmis við það sem hann er í nágrennalöndum okkar.

## Veiðigjöldum hafnað

36. **Farsæll** hafnar núgildandi lögum um veiðigjald.  
**Greinargerð.**  
Mikill samdráttur hefur orðið á aflaheimildum undanfarin ár og hefur þetta mikil áhrif á rekstur útgerðarinnar.
37. **Árborg** beinir því til aðalfundar LS að félagið berjist af mikilli hörku gegn þeirri ofurskattlagningu sem stjórnvöld hafa nú lagt á sjávarútveginn og mun smá saman draga allan mátt úr greininni og verða til þess að íslenskur sjávarútvegur mun dragast aftur úr keppinautum sínum erlendis.
38. **Reykjanes** hafnar algerlega lögum atvinnuvega- og nýsköpunarráðherra um veiðigjöld.
39. Aðalfundur **Bárunnar** fordæmir ofurskattlagningu á sjávarútveginn sem mun draga allan mátt úr greininni og verða til þess að hann verði ósamkeppnishæfur.
40. **Klettur** skorar á stjórnvöld að hætta nú þegar árásum sínum á sjávarútveginn í formi ofurskatta og ofstjórnar og gefa greininni frið til að vaxa og dafna til að takast á í samkeppni við ríkisstyrktan sjávarútveg nágrannaþjóðanna.

## Veiðigjöld lögmæti

41. **Reykjanes.** LS láti á það reyna fyrir dómstólum hvort álagning veiðigjalda standist lög.



42. **Strandveiðifélagið Krókur** styður hugmyndir formanns LS um rannsókn á auðlindagjaldi. Í því sambandi er vísað til samþykktar stjórnar LS frá fundi hennar í júlí 2012:
- „Stjórn LS samþykkir að fengið verði lögfræðilegt álit á því hvort sérstakt veiðigjald standist stjórnarskrá og lög. Sé niðurstaða slíks álits að gjaldið standist ekki, mun stjórn LS taka ákvörðun um framhald málsins“.
43. **Snæfell** beinir því til stjórnar LS að kanna lögmæti þess að innheimt sé auðlindagjald af sérstakri úthlutun í skötusel.

### Veiðigjöld breytingar

44. **Reykjavík.** Sá afsláttur sem gefinn er af veiðigjaldi og nær nú upp að fyrstu 30 tonnunum verði látið ná upp að fyrstu 100 tonnunum.

### Veiðigjöld markaðsstarf

45. **Sæljón** beinir því til LS að gera kröfu um að stærsti hluti auðlindagjaldsins fari í að auka kynningu og þar með sölu á sjávarafurðum.
46. **Fontur** skorar á stjórnvöld að fjórðungur af veiðigjaldi verði varið til markaðsstarfs fyrir sjávarafurðir.
- Greinargerð.*
- Það er mat aðalfundar Fonts að samkeppni fari mjög harðnandi á mörkuðum fyrir sjávarafurðir. Helstu samkeppnisaðilar okkar hafa nú þegar hafið gríðarlega markaðssókn sem gæti leitt til þess að neytendur taki þeirra vörur fram yfir sjávarafurðir héðan. Fontur telur brýnt að svara þessu strax með auknu fjármagni til markaðsmála.

## Evrópusambandið

47. Árborg beinir því til aðalfundar LS að hann hafni alfarið inngöngu Íslands í Evrópusambandið og mótmæli aðildarumsókninni harðlega.
48. Klettur hafnar alfarið aðild að Evrópusambandinu.

## Reglugerðir

49. Reykjanes. Skorar á atvinnuvega- og nýsköpunarráðherra að skila til félagsins álitni um lokun svæðis fyrir togveiðum vestur úr Sandgerði og suður úr Grindavík.  
Greinargerð.  
Reykjanes hefur í áraraðir farið fram á lokun svæðisins en aldrei fengið skýr svör hvers vegna það er ekki gert.
50. Snæfell krefst þess að hólf út af Höfða verði opnað, standist mæling á svæðinu.
51. Strandveiðifélagið Krókur leggur til að reglugerðarhólf sunnan Látrabjargs verði opnað fyrir færa- og línuveiðum.
52. Hrollaugur óskar eftir því að LS beiti sér af fullum þunga að láta opna reglugerðarhólf fyrir línuveiðum út af Suðausturlandi (svokölluð keiluhólf).  
Greinargerð.  
Óvíða umhverfis landið eru jafn stór svæði lokuð línuveiðum og fyrir Suðausturlandi í yfirsýni þess að verið sé að friða keilu. Lokanir þessar eru farnar að hamla línuveiðum á þessu svæði verulega. Innan hólfanna eru góð mið bæði þorsks og ýsu og keila í minnihluta aflans.

## Reglugerðalokanir

53. **Snæfell** samþykkir að reglugerðahólf, sem til eru komin af endurteknum skyndilokunum, séu endurskoðaðar af Fiskistofu árlega.
54. **Klettur** skorar á atvinnuvega- og nýsköpunarráðherra að breyta fyrirkomulagi reglugerðalokana þannig að lokun hólfanna falli úr gildi eigi síðar en þremur árum eftir að þau hafa verið ákveðin.

## Veðurathugunarstöð

55. **Farsæll** vill að LS beiti sér áfram í því að komið verði upp veðurathugunarstöð á Reynisfjalli.

## Dragnót

56. **Farsæll** ályktar að dregin veiðarfæri svo sem dragnót (snurvoð) verði alfarið sett undir sömu lög og skilyrði og aðrir togveiðibátar. Þar verði miðað við 3 - 4 sml. eftir stærð fyrir Suðurlandi.

## Umhverfissamtök

57. **Reykjanes**. Mótmæla afskiptum umhverfissamtaka af fiskveiðum. Samtökin hafa löngu sýnt að þau hafa litla sem enga innsýn inn í fiskveiðistjórnun og það umhverfi sem íslenskir fiskimenn starfa í.

## Hvalveiðar

58. **Strandveiðifélagið Krókur** styður veiðar á hval og hvetur stjórnvöld til að fylgja málinu eftir.

## Fjarskipti

59. Strandveiðifélagið Krókur leggur til að LS beiti sér fyrir bættum fjarskiptum á norðanverðum Breiðafirði (talstöð og gsm).

Greinargerð.

Í fjarskiptaáætlun 2005-2010 var gert ráð fyrir að langdræg stafræn farsímaþjónusta stæði til bóta á miðum við landið eftir að síminn hætti rekstri NMT kerfisins 1.september 2010. Til að mynda er hálfur Arnarfjörður án gsm-sambands.

## Stjórn Hafransóknastofnunarinnar

60. Fontur mótmælir því að hagsmunaaðilar sitji í stjórn Hafró. Meðan óbreytt fyrirkomulag varir krefst aðalfundur Fonts að fulltrúi frá LS komi inn í stjórn Hafransóknastofnunarinnar.